

یہودائے کا گد

1 چہ آکوبے برات، ایسائے ہزمتکار،* یہودائے نینگا،
 بہ ہما گوانک جتگینان کہ پتین ہدایا دوست آنت و پہ ایسا مسیہگی
 گون شریں پھریزے دارگ بوتگ آنت. 2 شیمے سرا رھمت، سہل و آسودگی
 و مہر گیش و گیشتر بات.

دروگین استادانی آسر و آکت

3 او دردانگان! واھگدار اتان پہ شما ہما رگگئے بارئوا بنیسان کہ سجھین
 آئیے شریکار این. بلہ زلورت دیستن کہ گون اے چیزانی نیسگا،
 شیمے دلا شوک پیدا بکان تان پہ ہما باورا جہد بکنیت کہ یک رندے
 پلگار تگینان † دئیگ بوتگ و تان ابد گون ماشما گون پیت. 4 چیا کہ
 لھتین آنچین مردم چیرکابی شیمے نیاما پترتگ کہ وقی بیہدائیے سوبا چہ
 پیسرا مٹاریگ کنگ بوتگ آنت. آھدائے رھمتان تاب دئینت و پہ وقی
 پیننگین کار و واھگان کار بندنت و مئے یک و یکدانگین واجہ و ہداوند،
 ایسا مسیہا ممنت.

5 شما اے سجھین چیزان سر پد بوتگیت و زانیت، بلہ لوٹان شمارا تہتال
 بدئیان کہ ہداوندا یک برے وقی کٹوم چہ مسرا رگینت، بلہ آ کہ بیباور
 اتنت رندترا گار و پیگواھی کرتنت. 6 آیا ہما پریشتگ ہم تان دادرسینے

* 1:1

11: آسلیگین یونانی نبشتانک گوشیت: «گلام.»

† 1:3

31: «پلگار تگین» ہما مردم آنت کہ گون ایسائے ہونا چہ وقی گاہان شوڈگ و پاک کنگ
 بوتگ و اے ڈٹولا پہ ہدایا در چنگ بوتگ آنت.

مزنین رُوجا تہاروکیا گون ابدمانین زمزیلان بستگ انت کہ وقی اہتیارے
برز و بلندیں گدرش زانت و وقی جا گہ اش یلہ دات. 7 ہمے پئیمما، سدوم
و گمورہ و کر و گورے شہرانی مردم، کہ ہمایانی ڈٹولا ییننگی اش کرت
و نارہبندین واہگانی پدا کپنت، ابدی آسا پرننگ بوتنت تان پہ دگران
درس و ابرت بنت.

8 انچش، گون اے سچھین سرگوستانی زانگا، ہما مردم کہ وقی و ابانی
تہا زندگ انت، وقی جسم و جانا پلنت و گندہ کننت، اہتیارا نمنت و
آسمانی زورمندان سبگ کننت. 9 تنتنا مزنین پرنشتگ میکایلا، آ و ہدا
کہ موسائے جونے بارثوا گون شئیتانا یک و دوئی کرت، اے تہم
و جریت نیست ات کہ شئیتانا سبگ و مئیریگ بکننت. تہنا گوشتی:
«ہداوند ترا سزا بدئیات.» 10 بلہ اے، ہما چیزانی سبگی و بہرمتیا کننت
کہ چہ آیان ہج زاننت. اے مردم ناسرپد و ییزبانین جانورانی پئیمما، وقی
سر شئے رندا کپنت و اے پئیمما گار و ییگواہ بنت.

11 برن و افسوز پہ آیان! چیا کہ کلینے S راہا رثونت و وقی سوتانی پدا
بلیامے گراہیا کپنت و کورہے * سرکشیا بیران بنت. 12 اے مردم، شئے
پرہرین باورمندی دیوانان، و ہدے پہ بیرواہی گون شما ہوریکا وراک
ورنت پہ شما بنامی و پوننگے بنت. اے ہما شپانک انت کہ تہنا وقی
جندے پزور کنگے رندا انت. ہما بیہورین جہر انت کہ گواتش بارت.

1:10 †

101: سرشت، بزانت، قترت، جٹوہر.

1:11 §

111: کلین ہما کلپل انت کہ وقی براتی کشت.

1:11 *

111: کورہ موسائے زمانگے مردے انت.

ہما ڈگالی † درچک انت کہ بیبر و بیروشگ انت و دو بر مرتگ انت۔
 13 اے زرتے ہما مستین چٹول و مئوج انت کہ وتی شرمناکین کارانی
 کپ و گجان در ریچنت۔ ہما گسر و سرگردانین استار انت کہ تہارتین
 تہاروکی آیانی ابدی آسر و آکت انت۔

14 ہنوه کہ آدمے ہتیمی نسل و پدرچ انت، ایشانی بارثوا چش پیشگوینی
 کنت و گوشیت: «ہداوند گون وتی لگانی لکین پلگارتگینان کثیت،
 15 تان سچھینانی دادرسیا بکنت و اے بیہداین ناباوران پہ آیانی سچھین
 گندھکاریان و پہ ہما سچھین سلین ہبران کہ اے بیاورین گنہکاران آینے
 ہلاپا گوشتگ انت، مئیاریگ بکنت.» 16 اے مردم، گلہ گزار، ایرازگر
 و وتی بدکاری و سلین واہگانی بدتگین انت، پہ وت پہر بدنت و پہ وتی
 نپ و سوتان گون چاپلوسی و چرپ زبانی مردمان ستا کنت۔

باورے سرا مہر اؤشتگ

17 جی، او دردانگان! شما مے ہداوند ایسا مسیے کاسدانی پیشگویمان
 وتی یاتا بداریت 18 کہ شمارا گوشتس: «گڈی زمانگا، انچین ریشکند
 کنوک ودی بنت و کاینت کہ وتی بیہدابی و سل و بدین واہگانی رندگیر
 انت.» 19 اے، دنیایی مردم انت، چہ ہدائے روہا زہر ‡ انت و جتایی
 دئور دینت۔

20 بلہ او دردانگان! شما وتی پاک و بے ائیہین باورا مہر و مہرت بکثیت و
 گون پاکین روہے مدتا دوا بلوٹیت۔ 21 وتا ہدائے مہرانی ساہگا بداریت

† 1:12

121: اسلیگین یونانی نشتانک گوشیت: «اِیْرَهی.»

‡ 1:19

191: زہر، بز ان بیہر۔

و مے ہداوندین ایسا مسیہے رھمتے انتزار و ودارا بییت کہ شمارا پہ نمیرانین
زندہ سر کنت. 22 گون آھتینا کہ دودل آنت مہربان بییت، 23 ھتینا چہ
آسا بکشیت و برکینیت و دگہ ھتینا رھمت پیش بداریت بلہ گون ترس
و لرز و چہ آیانی جامگان نہرت بکنیت کہ آیانی جسما پلینت کرتگ آنت.

ستا و سنا

24 ھمایا، کہ شمارا چہ ٹگل و رگ و کپگا مہر داشت کنت و بے ائیب
و گون مزین شادمانیے شمارا وتی پرشوکتین درگاھا برت و سر کرت
کنت، 25 مے یگ و یکدانگین ھدا و رگینوکا، چہ مے ھداوند ایسا
مسیہے وسیلھا، چہ ازل، انون و تان ابد شان و شوکت و واک و کدرت
برسات! انچش بات. آمین.

بلوچى **Balochi**

Balochi, Southern: بلوچى Balochi (New Testament+)
copyright © 2016 Wycliffe Bible Translators, Inc.

Language: Balochi, Southern

Contributor: Wycliffe Bible Translators, Inc.

www.balochimestag.com www.youtube.com/user/balochifilm

All rights reserved.

2020-11-16

PDF generated using Haiola and XeLaTeX on 21 Feb 2024 from source files
dated 29 Jan 2022

fe99fc84-11bd-5637-a7f3-a8ffa8c1dea9